

**MESYUARAT KETIGA, PENGGAL KEDUA
PARLIMEN KETIGA BELAS
PEMBERITAHUAN PERTANYAAN
DEWAN RAKYAT MALAYSIA**

PERTANYAAN : JAWAB LISAN

**DARIPADA : YB TUAN WILSON UGAK
ANAK KUMBONG
[HULU RAJANG]**

TARIKH : 24.11.2014 (ISNIN)

NO. SOALAN : 34

Minta **MENTERI KEMAJUAN LUAR BANDAR DAN
WILAYAH** menyatakan status Projek Bekalan Elektrik
Luar Bandar dari Empangan Bakun ke Pekan Belaga terus
ke Punan Bah, Belaga.

Jawapan :

Tuan Yang di-Pertua,

Kementerian bersama Sarawak Energy Berhad (SEB) telah menyenaraikan projek penyambungan talian voltan tinggi 33kV dari Pencawang Elektrik Simpang Murum ke Rh. Aging, Belaga pada tahun 2015. Projek yang dianggarkan bernilai RM33.0 juta ini akan memberi manfaat kepada 606 buah rumah di Pekan Belaga serta kampung di sekitarnya dan dijangka akan dimulakan pada 15 Februari 2015. Apabila projek ini siap, Stesen Jana kuasa Diesel di Pekan Belaga boleh ditutup dan pengguna mendapat bekalan elektrik 24 jam daripada talian grid.

Mengenai permohonan YB supaya Kementerian menyambung bekalan elektrik sehingga ke Punan Bah pula, cadangan berkenaan tidak dapat diteruskan sehingga jalan perhubungan daripada Pekan Belaga ke Punan Bah sepanjang 130 km disiapkan.

**PEMBERITAHUAN PERTANYAAN
DEWAN RAKYAT, MALAYSIA**

PERTANYAAN : LISAN
TARIKH : 24 NOVEMBER 2014
[ISNIN]
DARIPADA : Y.B. DATUK JUMAT BIN IDRIS
[SEPANGGAR]

SOALAN :-

Y.B. DATUK JUMAT BIN IDRIS [SEPANGGAR] minta **MENTERI KESEJAHTERAAN BANDAR, PERUMAHAN DAN KERAJAAN** menyatakan :-

- (a) berapakah bilangan rumah yang dibina di kawasan Sepanggar di bawah skim Program Perumahan Rakyat (PPR); dan
- (b) apakah sebab kelulusan membina 1000 unit rumah di bawah skim Program Perumahan Rakyat (PPR) di kawasan DUN Inanam dibatalkan.

JAWAPAN :-

Tuan Yang di-Pertua,

- (a) Untuk makluman Ahli Yang Berhormat, sehingga kini belum ada Program Perumahan Rakyat (PPR) di kawasan Sepanggar. Namun begitu, Kerajaan Negeri boleh mencadangkan projek di kawasan tersebut sekiranya mempunyai permintaan.
- (b) Program Perumahan Rakyat (PPR) di kawasan Inanam adalah ditangguhkan kerana memandangkan Kerajaan Negeri memberi keutamaan di kawasan lain yang lebih memerlukan.

Kementerian Kesejahteraan Bandar,
Perumahan dan Kerajaan Tempatan

November 2014